

DISSERTATIO CHRONOLOGICA;
De
ÆTATE MUNDI,



Quam
In Inclyta Academia VVittebergenſi,
Sub PRÆSIDIO
VIRI Plurimum-Reverendi, Ampliſſimi
atq; Excellentiſſimi

DN. ÆGIDII STRAUCHII,
S. S. Theol. Doct. Mathem. Infer. Prof. Publ.
nec non Hiſtoriarum Subſtituti
celeberrimi,

Dn. Patroni, Præceptoris ac Hoſpitis ſui
ſummè devenerandi,
placidæ diſquiſitioni ſubjicit
ad diem 24. Decembr. clc lxcLXII.
in Auditorio Majori,

HENRICUS HIERONYMI.

WITTEBERGÆ, Typis CHRISTIANI SCHRÖDTERI, Acad. Typ.
ANNO M, DC. XCL

ESTATE MUNDI

DR. AGNUS STRATTON

22 Noel Park, Marlborough, Wiltshire

Dr. Agnus Stratton, Wiltshire

WILTS. 1891



TA cum tempore res comparata est, ut an encomiō, an vituperiō videatur dignius, inter Philosophos disputatum fuerit diutius. Neq. enim Stoici tantum tempus commendarunt, ut omnium rerum normam & custodiam, sed & penes Aristotelem omnium rerum sapientissimum

L. IV. Phys.

appellatur, quem titulum idcō gaudet potissimum, quod doceat quæ incerta erant olim & rerum simul seruet memoriam. Eum vero si quis adversarij indueret personam, de obscuritate ejus & quod essentia temporis difficulter definiatur, cum Augustino non tantum conquereretur: Quid ergo est tempus? Si nemo ex me quærat, scio, si quærenti explicare velim, nescio; Sed illud insuper commemoraret, tantam esse temporis edacitatem, ut consumat rerum memoriam. & oblivionem, quā nihil doctrinæ inimicum est magis, infelici partu gignat. Non longius arcessemus ejus rei exempla; ipsa mundi, & temporis adeo, Epochā edocemur satis, quemadmodum in assignando antiquis rebus tempore, veritatem sectari, plenus periculi conatus sit, cui oneri ii quog. succubuerint, qui è literariis operis præclaræ meriti laudem sunt. Neq. verò quod intricatum sit opus, deferendum statim vadimonium est, inquirendum potius, ut eruatur veritas. Cujus debiti nostri memores de vetustissimo tempore disputabimus quadam, atq. de scopulis tantum agemus hac vice, quibus quamplurimi **ÆTATEM MUNDI** è Codice Biblico scrutantes, impegerunt hæcenus: Ut igitur nos veritatem assequamur feliciter, **FAXIT DEUS!**

§. I.

PRÆTER ea, quibus homo **DEI** redditur ἀντι-
ἐργον ἀγαθόν ἐν ἐργασίᾳ, innumera in Codice Biblico occurrunt aliā, quæ solidæ de rebus Philosophicis scientiæ avidos exercent valde: Nam ut quiescat terra, ut siderum move-

2. Tim. III.

17.

Uranosc.
p. 108.
Medir. p. 158
de S. Script.
in rebus
Philosoph.
abusu.

atque exercitus, quæ occulta Imaginationis vis sit, dum colores aptat corporibus, uti Leoninum Imperii robur in Ursinam degeneraverit ferociam, & post fata varia, dum Pardi expressit formas, in beluinam abierit crudelitatem, (quod schemate summa illa orbis Imperia expressit Vates) & hujusmodi sexcenta alia, nemo melius, quam qui profitetur has artes, explicare poterit, gavissus testimoniò, quod omni exceptione certius est, & in quo tractando tantò religiosius versari Philosophus debet, quanto major est autoritas Ejus, qui hæc literis signari voluit; Summè enim nobis videtur impietas, si quis cum *Redempto Baranzano*, Vercelleni Congregat. Regularium S. Pauli Sacerdote, *Renato Cartbesio*, *Christophoro Wittichio*, aliisque Scripturæ Sacræ auctoritatem uniformem esse neget, & ex adverso asserat, ministrorum DEI de rebus Philosophicis testimonia parum æstimanda; imò conceptus eorundem è lumine rationis corrigendos esse. A qua profana sententia omnes, qui Sobriè philosophamur, alieni sumus, dum testimonia DEI reverenter suscipimus, nec latum unguem ab iis, quæ divinitus revelata nobis sunt, recedere audemus.

§. 2. Quod si igitur ea, quæ de Ætate Mundi testimoniis virorum *ἱστοριῶν* cognosci possunt, summatim colligere placeat, ita Numeri in abaco ordinandi erunt:

Elapsi sunt anni

<i>Ab origine mundi usq. ad diluvium</i>	1056.	<i>Gen. V. 3 seqq. c. VII. 6.</i>
<i>Hinc usq. ad Abrahami nativit.</i>	292.	<i>Gen. IX. 11. seqq.</i>
<i>Advocationem ejus</i>	75.	<i>Gen. XII. 4.</i>
<i>Ad exitum Israelitarum ex Ægypto</i>	430.	<i>Exod. XII. 40. Gal. 3. 17.</i>
<i>Ad adificationē templi s. 4. Salomonis</i>	480.	<i>1. Reg. VI. 1.</i>
<i>ad Jereboamum</i>	36.	<i>1. Reg. XI. 42.</i>
<i>Ad finem annorum peccatorum domus</i>		
<i>Israhel</i>	390.	<i>Ezech. IV. 5.</i>

Ad

Ad solutionem captivitatis, deductis scil.
à 70. annis, annis 11 quod inter
Jechoniam captiv. & Zedekiam sunt
intercepti

59. Jer. XXIX, 10.

A condito mundo usq; ad solutionem 3418. captiv. Babyl. per
Cyrum.

A Cyro usq; ad annum secundum Darij
Notbi 110. ex historia profana.

Hinc usq; ad excidium posterius 490. Dan. IX.

Ab origine mundi usq; ad Excidium 4018. templi posterioris.

§. 3. Hactenus è Mosis & Prophetarum scriptis, quemadmodum annorum Mundi ponendus sit calculus, ad Excidiij usq; posterioris tempora, indicavimus, semel tantum in subsidium vocatis profanae historiae Scriptoribus. Notandi porro ii sunt, qui Scepticismo & Pyrrhonismo assveti, computum Aetatis Mundi, qua partem priorem & Biblicam, incertum reddere conantur. Uti autem eos, qui Sacri Codicis testimonia ingorantes, de Mundi origine absurdè senserunt olim, vel hodiè sentiunt, parum moramur & secula illa ἀδελον καὶ Varro. μυστικὸν iisdem relinquimus; ita dolemus, inter Christianos inveniri, qui Historiae Sacrae Scriptoribus manifestò fidem derogant. Neque enim putandum est, *Rollenbadium* tantum, mendaciorum architectum pariter & censorem adversus hunc computum objecisse quondam: *Nos latet verum anni tempus, p. 16.* quo quilibet Patriarcha antediluvianus genuerit. Non enim verisimile, uno eodemq; die omnes Patriarchas natos esse. Ergò precisa totius summa numeratio nos latet &c. Multò plures sunt, qui ad eandem canunt tibiam, & inter hos *Autor Chronologia mystica* claruit nuper, is enim in vindiciis pro sole Temporum & Chronologia mystica, ex Septenario Creationis profuente scripsit: *Quod hac supputandi ratio adeò exacta sit,*

ut non modo dies vel mensis, sed etiam annus nullus superesse aut
 deesse possit, id nemo prudens rerumq; intelligens affirmaverit ;
 nisi ex his duobus unum unà statuere velit : Aut uno eodemq; die
 anni revertentis omnes Patriarchas natos ; Aut ipsum Spiritum
 S. unius excessum alterius de seculo compensasse : illud absurdum,
 hoc incertum cum sit, necesse est aliquid in hac temporis designa-
 tione in ambiguo manere. Etiam hanc ob causam, quia forma
 annorum, quæ Patres ante Diluvium usi fuerunt, nobis hodie
 prorsus incognita est. Pleriq; Chronologi annos Patrum pro Ju-
 lianis accipiunt, atq; ita hoc intervallum totum numerant. At si
 Patres anno Ægyptiaco usi fuissent, ut nonnulli censent, abun-
 daret calculus in annis Julianis plusquam sesquianno. Deniq;
 quacunq; anni forma, omnes annos pro præcisè completis acci-
 pere est contra verissimam B. Augustini regulam, dicentis : Scri-
 pturam Sacram solere annos inchoatos pro completis, vel contra,
 sæpius usurpare. Quod cum nesciamus, ubi & quando fiat, neces-
 se est aliquam calculi incertitudinem hinc oboriri &c. Omnem
 deniq; pietatem Isaacus Peyrerius ejurasse videtur, quando su-
 um, è Præ Adamitarum hypothese compositum Systema, ita
 auspicatus est : Conditæ orbis Epocham non ducendam esse ab illo
 principio, quod vulgo figitur in Adamo ; naturalis est suspicio,
 omnibus insita cognitione rerum vel mediocriter imbutis. Videtur
 enim altius & à longissimè retroactis seculis petendum illud prin-
 cipium : tum ex antiquissimis Chaldaeorum rationibus, tum ex
 vetustissimis Ægyptiorum, Æthiopum & Scytharum monumen-
 tis, tum ex nupere detectis terrenæ machinæ partibus : tum ex re-
 gionibus illis incognitis, ad quas novissimè percrebuit navigando
 pervenisse Batavos & quarum homines verisimile est, non fu-
 isse ab Adamo propagatos &c.

Proam.

§. 4. Adversus hos & similes, calculum Biblicum crimi-
 nantes nos virorum Θεοπνεύτων munit ἀσφάλεια. Quia enim
 annos Patriarcharum, & qui secuti eos sunt, annotari voluit
 DEUS,

Deus, nunquam persuadebit nobis, quicumq; id conabitur, inu-
riles ad controversiam, de ætate mundi componendam, sacros
esse numeros, siue enim *χρονολογίας* Biblicæ autotem, non po-
tuisse, siue noluisse eum loqui perspicuè asseras, neutrum veri
similiter facies; Prærogativum enim est divinum testimoni-
um & omni exceptione certius ac liquidius. Et fuerit sanè
quædam dierum ac temporis in anno differentia, propterea
tamen totius intervalli, ratione annorum, certitudo minimè
infringenda est, nisi profanos quoquè Scriptores, quos eadem
gravaret exceptio, & ita universam historiam, in dubium vo-
care velis. Sed & Stylus Scripturæ & Epocharum connexio &
loca parallela, & contextus firmissima Scripturam interpre-
tandi adminicula sunt, quibus fuscq; deq; habitis, fatemur o-
mninò, dubia quædam alicui oriri posse. Neque Chronolo-
gorum de anno Patriarcharum disceptatio ullum reddat du-
bium; Jamdudum enim est, quod Eruditi de hâc hypothesi se-
cum invicem consenserint, annos, quos in primo historię suæ
Libro Moses citat, aut Solares aut Lunæ-Solares, aut tales ta-
men fuisse, qui cum anno Solari & consequenter cum Juliano,
aliquando fecerint paria. Quæ Autorum concordia cui non
placet, is ad tractanda hæc studia minus se aptum esse, indicat,
docilem enim eadem postulant scrutatorem, non qui multi-
plicat lites, & ut repèrisset videatur, non quod pueri in faba, in-
gentem sæpe vexat chartam: Enimverò minimè omnium nos
eorum movet opinio, qui ob gentium quarundam fabulas de
Mosaicis numeris dubitant. Quod si enim infidelium deliria
locum invenirent, jam mundi æternitas asserenda esset, vel ho-
mines fingendi *πρωτόγονοι*, de quibus Poeta:

Ovid. L. II.
Fast.

*Ante Jovem genitum terras habitasse feruntur
Arcades & Lunæ gens prior illa fuit.*

ut taceam Augustinum, Plutarchum, Censorinum, aliosq; jamdu-
dum annotasse, Gentilium *χρονολογίας*, de annis minoris
quantitatis intelligendam esse.

§. 5. Uti igitur illud certissimum est, de temporum intervallis & ætate mundi adeò, multa & præclara Scriptores sacros annotasse, ita de eo disquiritur maximè, utrum perfectum aliquod Chronologicum Systema, à Natali orbis ad Natalem Christi usq; & proxima huic tempora, in Sacris Bibliis habeatur, ita ut non vocatà in subsidium profanà historià, annus Nativitatis Christi, cum certo Epochæ mundanæ anno, adhibitis tantum Veteris & Novi Testamenti Libris, ritè possit connecti & ita de Mundi ipsius ætate decerni? De quo dubio, an satis feliciter, ambigo, prolixè tamen, *Matthæus Beroaldus* egit, & tantam de laboribus suis vel ipse concepit fiduciam, vel ex ejus mente scripserunt alii, ut in titulo libri sequentia legantur verba: *Habes his libris, LECTOR CANDIDE, temporum rationem, in qua explicanda plurimi laborant, sic expressam & demonstratam, ut de ea post hac nulla sit movenda questio. Quandoquidem certis & indubitatis Scripture Sacre testimoniis, singula quæ hic traduntur, ita sunt confirmata, ut nihil sentire qui contra sentiant, videri possint.* In ipso verò Scripto, brevissimam secus sentientes confutandi viam ostendit, quando de Historicis Græcis ita sentit: *In Græca historia confusa sunt omnia ista tempora; Itaque nec constat, de tempore belli Medici, neq; de tempore belli Peloponnesiaci, neq; certi quicquam affirmari potest de rebus Græciæ ante Philippi Macedonis Imperium.* Similiter & iis, qui Historiam Persarum literis consignarunt, fidem derogar, & quod finxerint, qui nunquam fuerint Reges, Cambysen, puta, & Darium Hytaspis accusat. *Nos, inquit, quia ex Sacris literis priores novimus Persarum Reges, & posteriores novit Historia profana, hac de re statuere certius poterimus, quam aut Herodotus aut Josephus, aut Manerbo vel Metrosthenes, aut Ctesias, à quibus rerum istarum fides peti solet &c.* Cæterum summa capita hujus Chronici Biblici ordinantur hòc modò:

Chron.

*ad annum
M. 3501.*

L. III. cap. 8.

<i>Primum Seculum ab orbe condito usq. ad diluvium</i>	<i>an. 1656.</i>
<i>Secundum, usq. ad discessum Abrahami ex Carris</i>	<i>427. L. II. c. 4.</i>
<i>Tertium, usq. ad Legem promulgatam in Horeb</i>	<i>430.</i>
<i>Quartum, usq. ad templum Salomonicum</i>	<i>480.</i>
<i>Quintum, usq. ad captivitatem Babylonicam</i>	<i>408.</i>
<i>Sextum, usq. ad Cyrum & initium LXX. Hebdom.</i>	<i>70.</i>
<i>Septimum, usq. ad finem LXX. Hebdom. & passionem Christi</i>	<i>490.</i>

Summa annorum ab orbe condito usq. ad passionem Christi 3961.

§. 6. Neq; verò solus in hac, de Ætatis mundi computo, sententia Beroaldus fuit, sed quamplurimos in hac sententia assclas habuit, inter quos *David Baræus* non tantum ex sola Scriptura accuratissimè conscriptum Chronicum, (hic titulus Libri est) edidit, sed in Oratione quadam, de LXX. Hebdom. dissentientes à se blasphemix cujusdam in Spiritum S. accusat. Postquam enim præmiserat, Deum eandem curam habuisse Sacre Chronologiæ à Babylonica captivitate, ad Christum usque, quam habuit ab Exordio mundi ad Babylonicam captivitatem, subjungit: *Qui hoc non concedunt, quomodo Spiritum S. negligencia, vel invidencia taciti non insimulent, viderint.* Sed ut alios & antiquiores præsertim, taceam, edidit ante aliquot annos *M. Weinbeimerus* *Salve Chronologicum*, quod vocat, in quo omnes Exoticos historiæ Scriptores æternum valere jubet & quasi Sacris Codicibus illata esset vis, eorundem defensorem agere conatur: *Numquid à tam illustribus & perspicuis oraculis p. 4. confusa gentium historia me revocent? Absit. Scripturas scrutari jubemur (præsertim in hoc negotio) non gentium lacunas; Scriptura enim perfecta est, Græcorum verò & aliorum gentium historia, manca, mutila & imperfecta. Confusa est omnis antiquitas apud Græcos cognitio, relatione vanissimorum hominum sapè nitens. Quid confusam dico Græcorum historiam? Dubiam & suspectam Græcorum fidem semper extitisse, quis est, qui nescit?*

Quotusquisq; mediocriter versatus in Scriptorum Græcorum Historiis perpetuam illorum contradictionem non animadvertit? Valeant igitur profani isti autores, à quibus tum demum historice veritatis testimonium, præsertim in hac re desumemus, ubi in gratiam mutuo redierint. Norma veritatis est S. Scriptura, cui mens pia tulù acquiescere potest & debet. Curiosis verò & scialis ne tota Scriptura sufficiat. Hac ille.

Sol. Temp.

P 45.

§. 7. Alià adhuc via rem aggressus est *Jobannes Jacobus Hainlinus*, quando Sacros & profanos Historicos, calculi mystici ope conciliare conatus est. Fingit enim tum intervalla alia in Sacris Bibliis annotata, tum 70. annos captivitatis, talem anni formam supponere, quæ è septenario numero orta sit, id est, 343, dierum seu septem mensium, quorum singuli 49. diebus absoluti fuerint, ita enim dum anni Sacri quantitas minuitur, salvis historiis Exoticis, diu desideratam integram annorum seriem, ab orbe condito, usq; ad ultimum Hierosolymorum excidium, ex Sacra Scripturà colligi, adeoq; Vetus & Novum Testamentum, ad convincendam & confundendam Judæorum perviciam, indissolubili vinculo, connecti posse putat. Quæ hiatus Chronologici expletio, in Scriptura Sacra post tempora captivitatis Babylonice à plerisque Chronologis deplorata, ut auro contra cara nobis sit, loco citato monet.

§. 8. Quamvis autem nec veritati, nec integritati, vel perfectioni Scripturæ quicquam velimus detractum, nobis tamen imaginari non possumus, Sententiam, quam sub pietatis Schemate veteres & recentiores Beroaldistæ loco fundamenti ponunt, errorum expertem, nedum ut evitetur blasphemix crimen, instar cujusdam fidei articuli ab omnibus credendam esse. Alibi enim à nobis demonstratum est, nec à primo anno Cyri Angelicas hebdomades inchoari, nec cum morte Salvatoris nostri ullatenus finiri posse, quod non tantum indubitatæ & cœlestibus characteribus firmatæ Regum Babylonix Chronologia

logia & imprimis Canon Mathematico, è manuscripto exemplari Ptolomæi, quod habetur Londini, ab Overallo, Decano quondam Ecclesiæ Paulinæ in Germaniam misso adversatur hypothesis hæc, sed nec Angeli verbis faciat satis, in quibus terminus à quo intervalli mystici, nominatur mandati (utiq; eventû ipsò roborati,) exitus **לְהַשִּׁיב וּלְכַנּוּת יְרוּשָׁלַיִם** *Dan. IX. 26.*
Terminus ad quem autem ejusdem intervalli exprimitur his verbis: **וְהָעוֹר וְהַקֶּדֶשׁ יִשְׁחָרָה עִם כְּנִיד הַפֶּתַח וְקָצוּ**
מִלְחָמָה בְּחֶרֶץ שְׂמִטָּה *Civitatem ipsam & sanctuarium per dei populus principis venturus, eritq; illius finis in inundatione, & usq; ad finem belli precisa desolatio &c.*
Vacillante autem hypothesis hac, tota machina Beroaldini & Parzani Chronici, quod falsò Biblicum inscribitur, ruinam minatur, Frustra insuper dissensus profanæ historiæ Scriptōrum ab adversariis urgetur, neque enim is tantus est; quantum illi fingunt, nec desunt adminicula, quorum ope Librariorum mendæ, sicubi reperiuntur quædam, emendari possunt. Calculi verò mystici falsitatem perstrinximus alibi. Ut adeò certum maneat, Chronologiam Biblicam in continua serie, verum annum Nativitatis Christi, & ita maximam ætatis mundi partem, nequaquam ostendere, sed desinere in Cyro, in Dario autem inchoari iterum, atque hoc intervallum è profana, quæ vocatur, historia, determinandum esse. Verissime Scaliger: *Actum In Elench. esset de Chronologia sacra, si absq; exoticis monumentis foret. Quod Prophetica eum Sapientissimi Scriptores, Tatianus, Clemens Alexandrinus, Chronolog. Tertulianus, Africanus, Eusebius, aliq; animadvertissent; omnino sine Exotica Historia, intervalla Sacra deprehendi posse desperarunt. Dicatur igitur eumidiæ buccis, elatò supercilio, atrocem injuriam Spiritui S. fieri; historia Sacra ab Exotica subsidium petat. Quasi magna illa ignominia sit, si historia Exotica Sacra ancilletur!*

§. 9. Postquam de certitudine & usu computi Sacri in controversia, ætatem mundi concernente, dictum est, difficilis de fide exemplarium Biblicorum oritur quæstio. Jamdudum enim est, quod de Codicum Ebraeorum, & Græcorum discordia conquesti interpretes sint, & an numeri, qui in textu Hebræo extant hodie, an qui in Græca LXX. Interpretum versione, an denique, qui à Josepho exprimuntur, genuini sint, acerrimè disputarint. Neque exiguum illud dubium est, quod parvi ducere quis posset; Ecce enim immanem differentiam, in qua ex parte Græcorum & Josephi consignanda, Clarissimi Dn. *Isaaci Vossii* secuti sumus exemplaria.!

Elapsi sunt anni, secundum

	Hebræos.	LXX.	Josephus.
<i>Gen. V, 3. Ab origine M. ad Sethum</i>	130.	230.	230.
6. - <i>Hinc ad Enochum</i>	105.	205.	205.
9. - <i>Hinc ad Cainan</i>	90.	190.	190.
12. - - <i>ad Mahaleel</i>	70.	170.	170.
15. - - <i>ad Jared</i>	65.	165.	165.
18. - - <i>ad Enoch.</i>	162.	162.	162.
21. - - <i>ad Methusalem.</i>	65.	165.	165.
25. - - <i>ad Lamechum.</i>	137.	187.	187.
28. - - <i>ad Noacum.</i>	182.	188.	182.
<i>VII, 6. - - ad diluvium.</i>	600.	600.	600.
<i>Summa Annorum ad diluvium</i>	1056.	2262	2256.

<i>Gen. XI, 11. A Diluvio ad Arphachsat. 1.</i>		1.	2.
<i>Hinc ad Cainan.</i>	0.	135.	135.
12. - - <i>ad Salab.</i>	35.	130.	130.
14. - - <i>ad Eber.</i>	30.	130.	130.
16. - - <i>ad Phaleg.</i>	34.	134.	134.
18. - - <i>ad Ragau.</i>	30.	130.	130.
20. - - <i>ad Serug.</i>	32.	132.	130.

22. - - ad Nachor.	30.	130.	132.
24. - - ad Thara	29.	79.	120.
26. - - ad Abrahamum	70.	70.	130.

Ab origine mundi usq; ad Abrahamum. 1948. 3334. 3429.

§. 10. Vides, quam inconciliatè Hebræi, Græciq; annos ab origine mundi numerent, & uti his quam proximè *Josephus* accedat; Inter hujus enim & illorum summam differentia nondum integrum seculum facit, eademq; minor erit multò, si, *Dissert. de*
quod *Dn. Isaacus Vossius* vult, Thara anno ætatis 70. genuerit *Ætat. M.*
quidem, Abrahamus verò primogenitus non fuerit, anno de- *c. VI.*
cem centesimo & trigésimo Parentis natus. Quam ultimam
hypothesin nec solus nec primus *Isaacus Vossius* præposuit, cum
in eandem conspirarint jam olim, præter *Lyram* & *Tornicellum* :
Beroaldus & ad unum omnes, item *Dn. Wilhelmus Langius* ean-
dem approbarit sententiã. Hoc verò *Isaaco Vossio* proprium est
& domesticum prorsus, quod (solo contemptu secus sentientes
confutare maluerit, quàm vim argumentorum, quibus utun-
hi, experiri, Ita enim arduam hanc controversiam confecit :
Minimè audiendū sunt, qvi septuagesimo Thara annò Abrahamum p. 256,
natum fuisse contendunt. Rectius illi, qui in annum Patris 130.
natalem ejus conjiciunt, ac primogenitum fuisse negant, sed di-
gnitatis ergò primò nominari statuunt, quod ipsum quoq; in No-
achi liberis contigit, non enim Sem, sed Japhet, maximus natu
rat. Argumenta, quæ pro vulgari opinione afferunt Scaliger & Pe-
tavius, frigida sunt, nec confutatione digna. Enimverò si satisfacere
debuisset Scriptor Clarissimus Scaligeri, & aliorum, pro
adversa sententia, argumentis, incaluisset forsitan : Sed difficul-
tas hæc prolixiorem postulat curam, quam eidem aliò tem-
pore impendere constituimus.

§. 11. Ut ergò ad illud revertamur, à quo sumus digressi,
quid de fundamento Vossiani temporum syntagmatis dissen-

su nempè Hebræi Græciq; codicis, in annis Patriarcharum re-
 censendis, habendum sit, exponemus: Non equidem nos fugit,
 quanto studio, LXX. Interpretum versionem commendarint
 veteres, & ii imprimis, qui Græco idiomati fuerunt assueti, Ju-
 stinum puta, Irenæum, Clementem, & innumeros alios. Sed &
 Latinorum Patrum doctissimus Augustinus cum animadver-
 teret LXX. Interpretes loco verborum וַיִּרְאוּ כְנִיזֵי הָאֱלֹהִים
 Gen. VI. 2. : וַיִּרְאוּ אֱלֹהִים : *Et angelos Dei dixisse istos & filios*
 L. XV. de Dei, horum approbavit paraphrasin: Merito enim, ad Marcel-
 Civ. D. 6. 23. tinum inquit, creduntur LXX. Interpretes accepisse Propheti-
 cum Spiritum, ut si quid ejus autoritate mutarent, atq; aliter
 quam erat, quod interpretabantur, dicerent, neq; hoc divinitus
 L. VIII. c. 43 esse dictum dubitaretur. Et alibi veterum, de miraculoso ho-
 rum Interpretum, quamvis separatim singuli federint, consen-
 su, allegata traditione, subjungit: Tanquam si unus esset Inter-
 pres ita, quod omnes interpretari sunt, unum erat, quoniam re-
 vera Spiritus erat unus in omnibus. Et ideo tam mirabile Dei mu-
 nus acceperant, ut illarum scripturarum, non tanquam huma-
 narum, sed sicut erant, tanquam divinarum, etiam isto modo
 commendaretur autoritas, credituris quandoq; gentibus profu-
 c. 45. tura quodjam videmus effectum, Item: Spiritus, qui in Pro-
 phetis erat, quando illa dixerunt, idem ipse erat etiam in LXX.
 Viris, quando illa interpretati sunt. Qui profecto autoritate
 divinâ & aliud dicere potuit, tanquam Propheta ille utrumq;
 dixisset, quia utrumq; idem Spiritus diceret, & hoc ipsum aliter,
 ut si non eadem verba, idem tamen sensus bene intelligentibus
 dilucesceret, & aliquid pratermittere & aliquid addere: etiam
 ut hinc ostenderetur, non humanam fuisse in illo opere servitu-
 tem, quam verbis debebat Interpretes, sed divinam potius po-
 testatem, qua mentem replebat & regebat Interpretis. Atq;
 de hac ipsa versione uti dissenserint Augustinus & Hierony-
 mus, ex utriusq; scriptis satis manifestum est.

§. 12. Et quamvis post Hieronymi tempora lingua Hebræa magis, quàm olim exulta fuerit, cujus ignorantia ad auctoritatem quandam, versioni Græcæ conciliandam, non parum videtur contulisse, diffiteri tamen non possumus præstantissimos Scriptores, & Græcos imprimis, LXX. Interpretum lectionem secutos esse; Unde, etiam usitatus annorum mundi calculus, qui apud Græcos viget, originem suam dubio procul accepit, longè enim Codicis Hebræi rationes computus hic superat, cum præsentem Christi annum 1662. ita in fastis suis Constantinopolitani signent, quòd sit mundi annus 7170. quem quo constituent, intervallum inter Epocham mundi conditi & Christi, quod non nisi 3949. annorum fuisse, alibi demonstratum est, ut augeatur multum, ita scilicet, ut ad 5508. annos usque ascendat, necesse est.

§. 13. Sed nec in Occidente desunt, qui pro LXX. Interpretum versione verba faciunt, & nisi à semetipsis discrepare velint, illorum calculum unà commendant. Annalium Ecclesiasticorum Scriptor *Baronius* de editione à Sixto V. comprobata, ita sentit: *Hoc nomine plurimum debent omnes eruditi, imò*
Et tota Dei Ecclesia Illustrissimo ac reverendissimo Antonio Ca-
rafe, S. R. E. Cardinali Bibliothecario, qui multò labore ac stu-
dio tandem Græcam LXXII. Interpretum editionem jam penè
antiquitatem, in lucem vindicavit, eandemq. Latine redditam,
non minori labore emendatam ac perpolitam edendam curavit:
OPUS PLANE DIVINUM, AC DIVINITUS INSPIRATUM,
quod à S. D. N. Sixto V. Romano Pontifice merito comprobatum,
ac magnopere laudatum, ut Ecclesiæ Catholice esset usui, idem
Sacro diplomate, in fronte ejus affixo, cunctis fidelibus significavit. Sed & ad Martyrologium Romanæ Ecclesiæ provocat *Baronius*, in quo profiteatur eadem, se annos supputare secundum LXX. Interpretes, ut non obscure indicet, quam propensus sit in eorundem Interpretum calculum. Clarius tamen suorumq;

Appar. n.
CXIX.

rumq; mentem *Thomas de Vio*, patriâ *Cajetanus*, Ordîn. Præ-
in *Enc. c. 3.* dicat. Prior generalis ac postea Cardinalis Presbyter à Leone X.
creatus, exposuit, quando occasione tñ Kainan, LXX. Interpre-
tum Codices omnibus aliis præfert, dum rationi consentaneum
esse scribit, ut credantur potius manci moderni Codices, quam
in *Critica. S.* ut tot Viri insignes studuerint, ad figmentum aliquod constru-
endum. His addendus esset *Hugo Grotius*, nisi à LXX. Interpre-
tibus, quos commendat alias, in vitis Patriarcharum recessisset
ipse; Quod similiter de *Capello* habendum est, nam & his ver-
sionem sæpè quidem præfert fontibus, vel illam his æquat,
quando alicubi scribit: *Si quis dicaret, Codicem tñ LXX. & il-
lam Hieronymi duos esse fontes Ebræos, id non esset usq; adeò ab-
surdum, vel intolerandum*; computum verò annorum mundi,
qui apud LXX. habetur, non approbat omnino, & Kainan im-
primis, quem ut salvarent, *Cajetanus*, *Sornicellus* & alii labora-
runt multum, removendum esse judicat.

§. 14. Enimverò præ omnibus aliis, quos hætenus videre
licuit, Scriptoribus, calculum è Græcis Bibliis desumptum *I/a-
acus Vossius* commendare coepit nuper, & ex adverso Codices
Hebræos vehementer accusare, atque una, omnes nostri & su-
perioris ævi Chronologos, quod quindecim circiter secula in
Ætate Mundi determinanda omiserint; Ita enim titulum dis-
sertationis anno 1658. primum emissæ fecit: *De vera Ætate
Mundi, quâ ostenditur in tempore, quod à mundi creatione, usq;
ad Abrahami Patriarchæ natalem elapsum fuit, annos minimum
1440. desiderari*. Sed quo de mente novi hujus, in Chronologi-
cis, methodistæ conset pleniùs, ejus ante omnia explicandæ
hypotheses sunt, ita enim planum, quod speramus, fiet omni-
bus, quam absœna Vossiana inventa sint, & homine eruditò in-
digna prorsus. Primò quidem illud supponit, Ebræos Codices
non superesse amplius, qui olim erant, sed multifariam immu-
tatos hodiè circumferri; Literas enim à Chaldæis, puncta vo-
calia

calia à Masorethis accepisse, quorum exemplaria laudamus; Si
revivisceret Moses, inquit, ne unum quidem apicem in Judaorum
libris assequeretur, cum literas habeant à Galdaïs puncta vero
& apices à Masorethis. Desinant igitur, pergit, viri boni semet-
ipsos decipere, ac Judaorum sabellis assensum præbere. Qua-
cung; illi tradunt de perpetua & constanti librorum sacrorum
conservatione mera sunt impostura. Neq; verò formam exter-
nam tantùm Originalis Codicis immutatam esse vult, sed sen-
sum ipsum amissum esse persuasus est, quando de corruptelis
textus Ebræi conqueritur, quæ nō librariorum tantùm incuriâ,
sed quam maximè Judaorum malitiâ, acciderint, qui propter
Messiam tota quatuordecim Secula expunxerint, & alibi ad ar-
gumenta provocat, quibus evicerit, totis sex vel septem Sæcu-
lis, ante Masoretarum laborem, tam annos, quàm prophetias
in Sacris Codicibus à Judæis fuisse vitiatas.

§. 15. Rejectò ita Ebræo Mosi textu, aliunde Chronologiam
Sacram instruit Vossius, & cum è Capelli pharetra pro gene-
rali hypothese, sibi petenda esse tela animadvertat, (quamvis
in ætate mundi consentientem non habeat) hujus præ reliquis
commendat Criticam, omnibusq; consulit, ut diligentius le-
gant Capellum, & quidem eousq;, donec excussa ingenii ne-
bulâ, lumini advesfiant, ac cognoscant, se in Sole cœcutisse;
Quod consilium cum à Christiano Scotano, quem adversarium
habet Vossius, neglectum esse sciret, disteriis rem conficit.
Quod de instituto & Critica Sacra Capelli male sentias, minime
miror, inquit, De Crisi non bene judicant, qui criscarent. In eo
igitur totus est, ut assertam à Capello LXX. Interpretum lecti-
onem approbet, & novum temporum ordinem adstruat exin-
de, cujus rei gratia Sanctitatem & ἀναμνησίαν Interpretibus
his adscribit, quos & labor, & Apostolorum, totiusq; adeò Ec-
clesiæ autoritas, consensus & approbatio, imò Deus ipse sancti-
ficarit, dum vertentibus, tanquam instrumentis suis, adlitterat

p. 243.

p. 418.

p. 243.

in חר S.
Inani.

p. 418.

Act. Ca-
stius p. 348

non tantum, sed opus confectum, velut fundamentum & demonstrationem tunc secuturæ doctrinæ Apostolicæ, ad nostra usque tempora sanctum & intemeratum conservavit, *Sed sentio*, scribit, *si quid in rebus mortalibus sit, quod à quoquam possit affirmari, jam quoque, audere me absque ulla cunctatione affirmare & cerè statuere versionem Pentateuchi Græcam, quæ bodie etiamnum exeat, eosies recusa, illam ipsam esse genuinam LXX. Interpretum versionem.* Sed ut in compendio cognosci possit, in qua sententia Iaacus Vossius perfliterit hætenus, summam novæ hypotheseos, propriis Autoris verbis explicare placet. *Sic sentio*, inquit, *si quis veros sacrarum literarum sensus cognoscere adeat, huic præcipue negligenda esse puncta vocalia, quæ à Masoretibus fuerunt excogitata. Aut saltem, si illa ex parte retinere velimus, utique, reformanda esse ad mentem translationis LXX. Interpretum.* Sola hæc versio sincera est, & æquæquæm, approbata à vetustissimis Judæis, ab Evangelistis & Apostolis, ab universa primitiva Christi Ecclesia. Quod si qui in ea navi appareant, illi non Interpretibus, sed Librariis sunt imputandi.

de transl.
LXX. interp
p. 98.

de hyp.
passim.

S. 16. Neque verò versionem Græcam tantum, qua computum annorum mundi textui Ebræo præfert Vossius, sed & antiquitatum Judaicarum Scriptorem, El. Josephum ad Prophetarum usque culmen propemodum evelin, quod à LXX. Interpretum numeris non multum recedat, imo illos è Josephi Libris corrigit quandoque, quia certum esse judicat, Codices Ebræos, tempore Josephi, nec tum fuisse vitiatos, hos igitur adhibuisse Antiquarium censet, non, quæ aliorum opinio est, translationem Græcam. Sacerdote enim & Legum apud Judæos interprete, indignum fuisse studium, neglecto fonte limpidissimo, tunc temporis, sequi rivulos. Quod autem in Josephi Libris nonnunquam legatur aliter, atque apud LXX. Interpretes, ejus rei rationem hanc allegat, quod nunc mendosa sit versio, quæ eò seculò, quò Josephus vixit, eadem continuerit

tinuerit temporum spatia, qui in Originali historię creati-
onis textu legerit ille. Et quem alium, quam Josephum al-
legare poterit Vossius (fragmenta enim aliorum sublestę no-
bis videntur fidęi) de quo in numero multitudinis loquitur,
quando scribit, *nolle se bodiernos Rabbinos sequi, eorum fauto-
res* (orthodoxos integritatis fontium assertores pungit scili-
cet) *sed illos Judæos, qui stante etiamnum Hierosolyma flo-
ruerunt.*

§. 17. Atq; hæc de LXX. Interpretum Chronico præstan-
tissimorum Scriptorum Vossiiq; imprimis sensa sunt, quorum
recensioni perbrevis subjungenda *Thydeas* est, ne vexentur
amplius Chronologi vel immanissimi certę erroris accusen-
tūr, quod quīdecim secula neglexerint. Et primò quidem
non invidemus Interpretibus laudem, quæ jure iis debetur,
si extaret modò integrum, quod perfecerunt, opus. Quem-
admodum enim dubium non est, utriusq; linguę, Ebræę &
Græcæ apprime gnāros ad hoc negotium delectos olim esse,
ita & ipsi à fide sua & sedulitate mirificè celebrantur. Illud
verò ante omnia explanare debuissent, qui Chronologis de
novo crucem figunt, quorum corrupti sint libri, Græcorum
ne an Ebræorum? Illi certè vehementer suspecti sunt, & non-
nullis planè supposititiū videntur; Nam Eruditissimus Arma-
chanus quemadmodum ipsimet Vossio non ignotum fuit,
in peculiari scripto, hanc defendam in se, suscepit sententiam;
Versionem Græcam, quæ hodie extat, confictam esse, & sta-
tim post tempora Ptolomæi Philadelphi, genuinæ substitutam.
Verum enim translationem LXX. Interpretum delituisse
semper in Bibliotheca Alexandrina, nec lectam, nec descri-
ptam à quoquam, demum incendio fuisse consumptam; In-
ventos igitur esse, qui aliam quandam versionem, sub LXX.
Interpretum nomine, substituerint, nec visam nec lectam
Philadelphi tempore, atque hanc illicò fuisse approbatam, &
ab

ab Apostolis eorumque discipulis in Ecclesiam admissam, quæ etiam usque ad hæc tempora perseverarit.

de V.D.L. 2
s. VI.

§. 18. Quamvis autem apud omnes locum non inveniat Armachani sententia, in eo tamen plures consentiunt, ruderæ tantum & *λειψαρα* veteris versionis superesse hodie, & corruptos adeo sub LXX. Interpretum titulo circumferri codices. Cum adversus Pontificiæ Religionis homines, quos primum allegabamus, è textu Ebræo deductus temporum calculus, vindicari debeat, non alium, quam Romanæ Ecclesiæ Cardinalem Robertum Bellarminum allegabimus; Is enim quamvis certissimum esse scripsit, LXX. Interpretes optimè transulisse & peculiari modò Spiritum S. assistentem habuisse, ne qua in re errarent, ut non tam Interpretes, quam Prophetæ fuisse videantur, confestim tamen addidit: *Multo probabilius censeo, illam versionem adhuc superesse, sed adeò corruptam & vitiatam, ut omninò alia esse videatur, quod testimonio Hieronymi & dissensu hodierni Græci Codicis ab Hebræo confirmat, imò posterius argumentum ab exceptione quadam, quæ vulgata hodie est, liberare contendit. Neg, videtur, inquit, satis aptè hoc argumentum solvi ab iis, qui respondent, textum Hebræum esse corruptum ubicunq; à Græco discrepat: Nam neq; hæretici hoc admittunt, qui anteponunt Hebræum textum Græco, neq; Catholici admittere debent, ne falsè cogantur, vulgatam editionem Latinam, quæ Ecclesiæ Catholica tot jam seculis utitur, & quam Tridentinum Concilium authenticam esse judicavit, totam quoq; esse corruptam. Nam exceptò Psalteriò Latina editio cum Hebræis Codicibus magis convenit, quam cum Græcis.*

i. I.

§. 19. Sed etiamsi integra adhuc extaret LXX. Interpretum versio, illud tamen secus sentientibus onerosum foret quam maximè, Translatorum *διαμαρτυρία* demonstrare, & quod humana ab iisdem aliena fuerint. Negari enim non potest,

potest, erroribus expositum esse hominum genus, & labi facile in arduis imprimis negotiis, nisi è vulgari cœtu eximantur à DEO, &, quod Sancti Spiritus amanuensibus accedit, infallibiles reddantur. Enimverò de LXX. Interpretibus nulla extat promissio, quod ab erroribus immunes esse debeant, nec eò vixerunt illi seculò, quò vates, quibus arcana revelavit DEUS, docuerunt orbem, Malachià venerabilem hunc ordinem concludente.

§. 20. Sed nec de eo constat satis, an Hebræum, an Samaritanum, textum transferre Interpretes voluerint, posterius Philologis quibusdam asserentibus, quorum magna alias auctoritas est. Et si Samaritanum adhibuerunt codicem non è fonte, sed rivulis qui illò puriores esse non solent, hauserunt Græci. Quæ verò de miraculis, versionem hanc concomitantibus, eandemq; commendantibus multum, circumferuntur, allegataq; à Vossio sunt, in iis tandem omnes ad Aristeam deveniunt, quem librum supposititium, & confictum à Judæis Scaliger alicubi evincit.

§. 21. Omnem denique scrupulum Apostoli nobis eximunt, quando à LXX. Interpretum versione sæpissimè recedunt, quod ab iisdem fieri non potuisset, si DEO dictitante esset conscripta. Innumera allegari loca possent, si argumento huic inhærere diutius nostri instituti foret; Sed nec *Origenes* sua scripisset Tetrapla, Hexapla aut Octapla, nec *Eusebius* in Chronicis Kainan omisisset, si ea, quæ de LXX. Interpretibus magnifica dicuntur, credidissent. Et ipsemet Vossius suam non obscure sententiam oppugnat, quando LXX. Interpretum versionem deserit, quod aliquoties in scriptis ejus observari potest. Enimverò ad convincendos homines nulum efficacius argumentum est, quam quod à mutuo auctorum sententiæ alicujus dissidio deducitur, cum sibi ipsi nunquam repugnet veritas, sed cum mendacio tantum bellum gerat,

gerat, huic proprium illud est, atque perpetuum, quod contradictionibus variis se prodat. Quanto igitur prudentius fecisset Vossius, si antequam novam hanc proposuisset sententiam, deliberasset prius, velint LXX. Interpretibus, an Samaritano Codici, an denique Josepho adherere, ita enim sibi met ipsi non contradixisset tam fœdè, & Josepho palmam tribuisset sapius, quam Græcis promiserat.

p. 291.

§. 22. Sed ut brevitati studeam, & paucissimis conficiam rem omnem, quàm falsa, quam erronea Isaaci Vossii de Græcorum numeris sententia sit, textus Hebræi integritas ac aliis prolixè asserta, satis evincit, quàm ille ineptò per omnia discursu, suspectam reddere conatur, quando adversus Hornium scribit: *Magnas apud omnes Christianos inibit gratias, qui ostendere poterit, unde nam ergò ista lectionem, varietas promanarit. Cum enim in omni discrepantia aliqua sit corruptela, oportet ut cum omnibus eruditis fateamur, aut libros Sacros non omnino incorruptos ad nos pervenisse, aut ut cum insipidis quibusdam Judæis statuamus, variantes istas lectiones ab ipsis Prophetis esse excogitatas. Tale si placuerit commentum, jam etiam dicendum ab ipsis Apostolis & Evangelistis confictas esse lectionum discrepantias, quæ passim in Novi Testamenti Libris occurrunt.* Hucusque Vossius, à lectionum discrepantia omnimodam textus Hebræici corruptionem probans, quasi non idem adversus Græcos codices urgeri possit, de quibus ipsimet Vossio nondum constat, unde probata fidei exemplar advehendum sit, & quæ præferenda lectio.

§. 23. Eiusdem ponderis & altera Vossii ratio est, quando fidem numerorum in Hebræorum Libris exantium, idè sollicitat, quod Moysis autographum non habeamus. Interfuit scilicet antiquarius ille LXX. Interpretum cellulis, & muscas abegit, ut viderit eorundem autographum. Caveamus

ergò

ergo omnes, ne Isaaci Vossii libros legamus, quos Adrianus Vlacq. edidit, autographum enim Auctoris nemo nostrum, vidit.

§. 24. At gravissimam habuit causam, Vossius, inquis, recedendi ad Hebraeorum numeris & quindecim secula è Græcis codicibus addendi: *Quis enim non videat, aut negare audeat, ad obsundendam eorum impietatem, qui ex profanorum gentium antiquitate sacrarum literarum fidem impugnant, effectissimum & unum pene esse remedium, ex ipsis gentium annalibus veritatem divina Historia ostendisse?* Itane ut gentilium confutentur mendacia, Bibliorum textus vocandus erat in dubium, & veritas ipsa deferenda? Sed nec quindecim Vossianis seculis admissis, cum gentilium Annalibus, mirificus ille Chronologus convenire poterit, Nam quid Arcadiæ respondebit incolis, de quibus Poeta:

*Ante Jovem genitum terras habitasse feruntur
Arcades & Lunæ gens prior illa fuit.*

Atque in aliis forsitan annorum myriadibus excogitandis laborat Vossius, ut cum Aegyptiis quoque in gratiam redeat. Non impugnanda ob mendacium veritas est, nec ut errorem confutemus, fingendus est alius. Sibi ipsi sufficit veritas, siue agnoscant eam homines, siue ignorent.

§. 25. Nec juvat Vossium ratio, quam non semel allegat, in Hebraeorum libris, pro ratione ætatis, nimis brevem statui pueritiam, cum longam vitam necessario longa præcedat pueritia. *Tempus pubertatis, ait, ut plurimum tertia, aut quarta pars est vite humana, raro quinta, rarissime sexta.* In Græcorum igitur libris cum pubertatis & senectutis anni ordinentur melius, eorum potius numeros amplecti expediet. Falsissima scil. Vossii hypothesis ea est, cui hæc innititur collectio: Non plures nec citius generasse veteres, quam in Mosais Libris expressè definitum sit. Cum quasdam tantum Genealogias in Scriptura Sacra habeamus expressas, non
omnium

omnium nepotum, qui ex Patriarchis descenderunt, catalogum. Sed & id perquam ineptum esse iudicio, quod tempus pubertatis definiat Vossius tertiam aut quattam partem vitæ humanæ; Quæso Te, quid fieret, si ætatis annò sexto moreretur aliquis, an bîmulus pubuisset antea? Sed & embryo forsitan, si post nativitatem decedat infans, in utero materno pubuit? Apage ridiculam hanc de pubertatis tempore opinionem.

§.26. Tandem igitur Eruditos omnes nunc compellamus iudices, an sufficientem causam habuerit Vossius indignissimè tum omnes huius & superiorum seculorum Historicos, tum Parentem ipsum tractandi, & immanem errorem atq; quindecim seculorum neglectum, iisdem obijciendi, & tantà quidem cum fiducia, ut iactabundus concludere ausus sit; *Si quis præter eam, quam ostendimus, aliam possit indicare viam, qua tollendis omnibus difficultatibus & controversiis sufficiat, bis ego libenter assurgam, nec viros tantùm, sed & Prophetas & majores Apostolis profitebor.* Ita scilicet & informes catulos lambunt, & hirsuti fœtus ur̃sis placent, nec ad errorem defendendum efficacius movet quicquam, quam quod à nobis excogitatus is sit. Quanto rectius fecisset Vossius, & auctoritati suæ consuluisse, si Parentis premere vestigia, non novis hypothesibus confundere Lectores constituisset? Periculosa res novitas est, & rei literariæ non parum nocua, ab eadem igitur cavendum potius, quam intempestivo consilio properandum.

